

Sunte Sabki Pukar | By Rajeev Sharma |

Sunte sabki pukar,
Jo bhi shraddha aur prem se hai,
Aata inke dwaar,
Bolo jaykaar,
Jai Bajrangi bolo ji bolo,
Jai Bajrangi!

Jisne liya sankalp Prabhu ke,
Sab kashton ko mitane ka,
Kyon na hum gungaan kare,
Shri Ram ke us deewane ka,
Teri shakti apaar,
Tu to laaya tha akela,
Saara parvat ukhaad,
Bolo jaykaar,
Jai Bajrangi bolo ji bolo,
Jai Bajrangi!

Nishachar heen banakar dharti,
Prabhu ka haath bataya tha,
Ramchandra ji se pyaar tha kitna,
Seena faad dikhaya tha,
Hai jab tak dharti aakash,
Ye duniya rakhegi yaad,
Tera upkaar,
Bolo jaykaar,
Jai Bajrangi bolo ji bolo,
Jai Bajrangi!

Chaaroo yug ka haal jo jaane,
Ajar amar kehlaye hai,
Bhakto ki raksha karne,
Shiv roop badalkar aaye hai,
Teri mahima apaar,
Tu hi 'Babli' ki jeevan naiya,
Karta Baba paar,
Bolo jaykaar,
Jai Bajrangi bolo ji bolo,
Jai Bajrangi!

Sunte sabki pukar,
Jo bhi shraddha aur prem se hai,
Aata inke dwaar,
Bolo jaykaar,
Jai Bajrangi bolo ji bolo,
Jai Bajrangi!

<https://bhaktivandana.com/lyrics/%e0%a4%b8%e0%a5%81%e0%a4%a8%e0%a4%a4%e0%a5%87-%e0%a4%b8%e0%a4%ac%e0%a4%95%e0%a5%80-%e0%a4%aa%e0%a5%81%e0%a4%95%e0%a4%be%e0%a4%b0-by-rajeev-sharma/>